



Nunatta Isiginnaartitsisarfia

The National Theatre of Greenland

Monolog 1

Tiigeri

Tassanngaannaq qaarusuup isaariaata nalaani tarramik takusaqalerpunga, qaamanermut tarratut naleqqiussimasoq. Niaqorujussuaq. Ila kakkaak niaqoq! Isit sungaartut titarnernik qernertunik marlunnik tappiutillit ... seqersaatitut angitigisut. Tiigererujussuaq! Ila uumasupiluuneq! Tiigeri nagguaatsoq! OOEH. Tiigeriaqqamik kimmiartooq, taassuma naavi imermit pullatsinneqarsimasut. Tiigeriaraq ipisimasoq. Allaangilaq pølseq, nakasuk pullataq. Nunamut igiusaannarpaa ... TOOM ... naqittaappaa ... isikkaminik naavisigut ... imeq anialerpoq ... BLOCH ... qarngatigut; ipilluni toqusimavoq. Tiigerip piaraa alla anaanami niuisa akornisigut pangaleqattartooq allaangilaq melon-imik iisisimasoq; aamma taassuma aqajaqquni imermik ulikkaartooq angallappaa. Tiigeri arnaviaq malarsinnarluni narajorpoq ... SNIFF, SNIFF ... qangattap silaannaa narajorlugu.

”Sangatak, neqi qaassunnitsoq mamarippagu tamuaneqassaanga.”

Tunginnut saappooq ... tunginnut allarpoq, aggilerpoq. Niaqoq alliartuinnarpoq, alliartuinnarpoq suna tamaat ulikkaarlugu. Misigaara nutsakka tikkortut, qerattangaaramik nippallutik ... GNIAACH ... siutinni meqqut aamma tikkorput, sorlumma meqqui aamma ... nutsama sinneri: soorlu kumigutit!

”Aggilerpoq, aggerpoq, saninnguannut pivoq, narajulerpaanga.”

”AAHHHAARRR.”

Piaraa aamma: ”IAAAHHAA.”





Nunatta Isiginnaartitsisarfia

The National Theatre of Greenland

”OAAAHHAARRR.”

”AAAAH.”

”OAAHAAAAARRRRRR.”

”IAAAHHH.”

Ilaqutariit oqqattut. Tiigeriarannguaq mikisoq ilumoorpoq; siutini tikivillugit imermik ulikkaarpoq soorlu nappartaaraq ... qanormi iliussava? Piaraq qangattap qinnguanut pangalissinnarluni kamassarujussuarpoq.

”IAHHHHAAAEEAA.”

Tiigeri arnaviaq kamassimalluinnarpoq. Tunginnut qiviarpoq, nikutserpoq, nakkutilerlunga. Uanga! Sangatak, ernerminut kamannini uannut tutsinnialerpaa. Uanga sugama? Ah, naamik, eqqarlerinngilakkilluunniit. IGNA TUM, TUM, TUM. (Nutsami tikkoramik nipaataq issuarpaq.) Kumigutit! Qanilliartorpoq, isai soorlu seqersaatit, sangullunilu. PAC! Kiinara iviangiminik tagiarpaq.





Nunatta Isiginnaartitsisarfia

The National Theatre of Greenland

The Tale of a Tiger – Tiigeri (1975)

Dario Fo

Italy



Postbox 1627, 3905 Nuussuaq



+299 38 13 70



info@nuis.gl. www.nuis.gl